

BØEN KRAFT AS
c/o Cloudberry Clean Energy ASA, Frøyas gate 15
0273 OSLO

Vår dato: 03.10.2025

Vår ref.: 202224776-53 Oppgis ved henvendelse

Deres ref.:

Saksbehandler:

Anders Kvaløy Olsen
ako@nve.no

NVE avslår søknad om Bøen III kraftverk og regulering av Kaldavatnet i Hjelmeland kommune i Rogaland fylke

Vi syner til søknad datert 22.12.2022, sist oppdatert 12.9.2024, om løyve etter vassressurslova § 8 til bygging av Bøen III kraftverk og regulering av Kaldavatnet.

NVE meiner at skadane og ulempene for allmenne og private interesser er større enn fordelane ved tiltaket, jf. kriteria i vassressurslova § 25.

NVE har vurdert reguleringa av Kaldavatnet og bygging av Bøen III kraftverk, inkludert vassuttak, røyrgate, pumpehus, dam og naudsynt infrastruktur. Kraftverket vert vurdert til å ha ei positiv nettonoverdi i eit kostnadsoverslag og kan bidra med å produsere 4,71 GWh med fornybar energi inn i prisområde NO2, som treng meir straum.

Landskapet vil få synlege inngrep gjennom fråføring av vatn, regulering, kraftstasjon, dam, veg og pumpehus. Opplevinga av urørtheit og området sin verdi for friluftsliv vil bli svekka. Reguleringa kan gjere isen meir usikker vinterstid, men påverkar i liten grad bruk av båt.

Kraftverket er planlagt med ei slukeevne på 215 % av middelvassføringa og med ei regulering, noko som vil redusere den naturlegen vassføringsdynamikken. Tiltaket kan skade eller vere til ulempe for naturmangfald i vassdraget og bidra til at den samla belastninga i området blir for stor.. Regulering og bortleiing av vatn i vassdraget vil påverke naturmangfaldet og dermed kan økologisk tilstand bli negativt påverka. Tiltaka kan redusere ålen si moglegheit til å vandre opp i Kaldavatnet, redusere næringstilgang og redusere hekkemoglegheiter for fugl. Tiltaket kan såleis redusere miljøtilstanden i vassførekomsten og hindre at ein når mål om god økologisk tilstand etter vassforskrifta. Med to eksisterande kraftverk i vassdraget vurderer NVE verknaden av eit tredje som stor og negativ. NVE legg stor vekt på kommunen sin høyringsuttale.

Med bakgrunn i dette meiner NVE at dei fordelane ved kraftutbygginga, der prosjektet vil auke straumproduksjonen med 4,71 GWh, gi inntekter til søkar og grunneigarar, og



dessutan skape skatteinntekter, ikkje veg opp mot dei negative konsekvensane for natur, friluftsliv og miljø.

Ei nærare grunngjeving for vedtaket er gjeve i vedlagt notat, Bakgrunn for vedtak Bøen III kraftverk og regulering av Kaldavatnet. Notatet er også tilgjengeleg på NVE si nettside: www.nve.no/8977/V.

Orientering av grunneigarar og rettshavarar

NVE ber om at dette brevet med vedlegg så snart som mogleg blir sendt til ramma grunneigarar/rettshavarar. Både eigarar av utbygde og ubygde eigedommar skal varslast. NVE ber om å få ei stadfesting når de har orientert ramma grunneigarar og rettshavarar, med dato for utsendinga.

Moglegheit til å klage

Vedtaket kan klagast på. Sjå opplysningar om rett til å klage på siste side.

Med helsing

Carsten S. Jensen
konsesjonsansvarleg

Silje Aakre Solheim
seksjonssjef

Dokumentet er sendt utan underskrift. Det er godkjent i samsvar med interne rutinar

Mottakerliste:

BØEN KRAFT AS

Kopimottakerliste:

Agnes Laila Borgen
Børre Dybesland | Lnett
Egil Kambo
Erik Hoffmann-Dahl
gry austigard fjelde
John Fosse
Odd Einar Vold
Rune Folkvord
ROGALAND FYLKESKOMMUNE
STATSFORVALTEREN I ROGALAND



HJELMELAND KOMMUNE
NORGES NATURVERNFORBUND
Mattilsynet
KAMBO ENERGI AS - EGIL KAMBO
PETER BORMANN
ASTRID NUMMEDAL
ANITA STAURLAND
STEFFEN HÅVERSEN VADLA
KURT BØRGE NUMMEDAL
EDMUND AUSTIGARD
SISSEL HOFF
PER MAGNE GABRIELSEN
HANNA KRISTINE STAURLAND
TOM ERIK HALVORSEN
ANNE DALANE EIE
HELENE NUMMEDAL
ELDFINN ASBJØRN AUSTIGARD
RUNE EIE
EVEN AUSTIGARD
ASGEIR AUSTIGARD
ANNASTØL FELLESEIE



Orientering om rett til å klage

Frist for å klage	Fristen for å klage på vedtaket er 3 veker frå den dagen vedtaket kom fram til deg. Dersom vedtaket ikkje har kome fram til deg, startar fristen å gå frå den dagen du fekk eller burde ha fått kjennskap til vedtaket. Det er tilstrekkeleg at du postlegg klagen før fristen går ut. Klagen kan ikkje handsamast dersom det har gått meir enn 1 år sidan NVE fatta vedtaket.
Du kan få grunngjeving for vedtaket	Dersom du har fått eit vedtak utan grunngjeving, kan du be NVE om å få ei grunngjeving. Du må be om grunngjevinga før klagefristen går ut.
Kva skal med i klagen?	Klagen bør vere skriftleg. I klagen må du: • Skrive kva for vedtak du klagar på. • Skrive kva for eit resultat du ønsker. • Opplyse om du klagar innanfor fristen. • Underteikne klagen. Dersom du brukar ein fullmektig, kan fullmektigen underteikne klagen. I tillegg bør du grunngje klagen. Dette betyr at du bør forklare kvifor du meiner vedtaket er feil.
Du kan få sjå dokumenta i saka	Du har rett til å sjå dokumenta i saka, med mindre dokumenta er unnateke offentlegheit. Du kan ta kontakt med NVE for å få innsyn i saka.
Vilkår for å gå til domstolane	Dersom du meiner vedtaket er ugyldig, kan du gå til søksmål. Du kan berre gå til søksmål dersom du har klaga på vedtaket til NVE, og klagen er avgjort av Energidepartementet (ED) som overordna forvaltingsmyndigheit. Du kan likevel gå til søksmål dersom det har gått 6 månader sidan du sende klagen, og det ikkje skuldast forsøming frå di side at klagen ikkje er avgjort.
Sakskostnader	Dersom NVE eller ED endrar vedtaket til din fordel, kan du søke om å få dekkja vesentlege og nødvendige kostnader. Du må søke om dette innan 3 veker etter at klagevedtaket kom fram til deg.
Kven kan klage på vedtaket?	Dersom du er part i saka, kan du klage på vedtaket. Du kan også klage på vedtaket dersom du har rettsleg klageinteresse i saka.
Kvar skal du sende klagen?	Du må adressere klagen til ED, men sende han til NVE. E-postadressa til NVE er: nve@nve.no . NVE vurderer om vedtaket skal endrast. Dersom NVE ikkje endrar vedtaket vil vi sende klagen til ED.

Denne forklaringa bygger på forvaltningslova sine reglar i §§ 11, 18, 19, 24, 27 b, 28, 29, 31, 32 og 36.